



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

4. Solus Deus hominem à peccato liberare potuit. Et cur?

**urn:nbn:de:hbz:466:1-45653**

ciderat, & naturam suam ita debilitauerat, vt illa sibi relista, instar plumbi, suopte pondere & impetu, deorsum caderet, & de peccato in peccatum lapsa, profundorem semper Infernum, atro-  
cioraque supplicia æterna commareretur. Sic homo creatus, ut, in coelo, beatus & Deo fruens regnaret, peccati seruus, cacodæmonis mancipium & Auernalium flamarum futurum pabulum factus, nonne in profundum venit? nonne lapsus est in ipsum, pelagus miseriarum? nonne dicere potuit? *Veni in altum, tempora mea demersit me: Ex nihilo conditus, ad nihilum redactus sum.*

Psal. 68. 3.  
Psal. 72. 22.  
I. V.  
Ion. 2. 2,

*Quis eum inde potuit eripere? Ionam, cum in mare proiectus esset, & iam in ventre pisces tribus diebus, & noctibus, densam noctem pateretur & atrum carcerem, nemo potuit liberare, nisi ille ipse, qui ventum & mare, & procellas concitauit. Sic neque hominem, peccato, in tanta mala, se iacentem, quisquam alius retrahere potuisset, nisi qui hominem hæc mala meritum, ijs, velut supplicij tempestate, inuoluit; vt illum idem, qui fecerat, reficeret; & qui crearat ex nihilo, recrearet. Magna opera magnos exigunt magistros, & extremi morbi extremis indigent medicinis. Igitur, ob protoplasti nostri delictum, malum hominis tam atrox, tamque inolitum fuit, ut à nulla, nisi diuina manu, posset eradicari. Quæ enim persona, nisi diuina, hominem, in divinum ac supernaturale statum, reposuisset? Nomina quidquid naturale est, infra est. Iacebat homo, lethaliter ictus seipsum ergere non poterat. Sed neque Angelus poterat, cuius non est gratiam diuinam, hoc est, spiritualem animæ vitam infundere. Undique ergò erat homo destitutus: seipsum iuuare nō poterat Deo mortuus; neque ab alio aut homine, aut Angelo, multoque minus à bestia poterat iuuari. Solus supererat Deus, solus iuuit Deus, cuius misericordia non est numerus, & bonitatis infinitus est thesaurus. Is ergo, cum alia remedia omnia deessent, intimis misericordiæ visceribus commotus, humano generi succurrit. Quod etsi solus potuit, multis tamen modis potuisset. Sed quia nullus fuit conuenientior, aut nobis utilior modus, quam vt pro præteritis hominum peccatis æquivalens iustitia diuinæ satisfactio fieret, & pro futuris, remedium perenne compararetur; Deus ipse de celo descendit, ut quereret, & saluum faceret, quod perierat. Nulla enim pura creatura, hoc est, nullus homo, aut Angelus, qui non idem esset Deus, potuisset satisfactionem tantæ offendæ æquivalentem præstare,*

S. Thom. 3. p.  
q. 2. a. 2.  
S. Bonauen.  
3. sent. dist.  
20. art. 3.

præstare , cum tanta sit vnius mortiferi peccati malitia , & in infinitam Numinis maiestatem iniuria , vt omnibus omnium & hominum & Angelorum fidei , misericordiæ , charitatis , aut pœnitentiæ operibus , omnibus religionis actibus , omnibus orationibus , omnibus sacrificijs , ad iustum æqualitatem , non possit compensari . Non dabit Deo placationem suam ( homo ) & premium Redemtionis anime sue , inquit David . In quæ verba S. Basilius ita scribit : Neg , igitur fratrem quare in redemtionem ; sed Deum , qui excedit naturam tuam . Neg , hominem nudum ; sed hominem Deum IESVM Christum , qui etiam solus placationem dare potest , pro omnibus nobis . Et Athanasius : Cuius , inquit , opera , ad recuperandam istam gratiam , requirebatur , nisi solius Verbi ? Eius etiam fuit , id quod corrupibile erat , iterum ad incorruptibilitatem reducere , & pro omnibus , id , quod equum , rationiq , consentaneum erat , Patri præstare . Denique S. Leo ait : Talis Natiuitas decuit Dei virtutem & Dei sapientiam Christum , qua nobis & humilitate congrueret , & diuinitate præceleret . Nisi enim esset Deus , non adferret remedium ; ( quia non adferret in iniuria Deo illata aliquid æquialens , neq ; constitueret perennem & inexhaustum reconciliationis fontem , quo peccata , in quæ quotidie incidimus , delerentur ) nisi esset homo verus , non præberet exemplum : non haberet meritum , non offerret satisfactionem .

Quoniam ergo extinguae iræ diuinæ atque æterni ignis euadendi , recuperandique iuris ad coelestem hæreditatem , nullum , neque in terris , neque in cœlo , neque apud homines , neque apud Angelos , neque apud ullam aliam creaturam remedium inueniebatur ; atque ita vel diuinæ iustitiæ satisdari non potuisset , vel homo æternū debuisse perire ; fecit Deus immensum & infinita sua misericordia dignum opus , opus omnibus seculis inauditum , omnibus gentibus admirandum , ipsi cœlo obstupescendum , ipsis Angelis ineffabile & incomprehensibile , cum illud nunquam satis laudatum , nunquam satis perpensum Incarnationis consilium excogitauit , & Christum , sapientiam increatam , per quam creata sunt omnia , proposuit propitiationem , per fidem , in sanguine ipsius , ad offensionem iustitia sue , propter remissionem præcedentium delictorum , in sustentatione Dei . Qui , cum cum Mundus odiasset , & partim , ob primi hominis peccatum , partim , ob aliorum hominum innumerabilia fornicationum , adulteriorum , incestuum , Sodomiarum , furorum , rapinarum ; cædium , homicidiorum ,

V.

Rom. 3.25.

L 3

parri-